

Ժ Թ .

Քո սերն իմ սըրտիս միջին տուն շիներ ' և ի մեջ կու կենայ.
Աչերն այլ երդինք դըրեր, մութ ընթուին ի վեր կու կեայ.
Աչերն այլ երդինք դըրեր, մուխն երդինքն ի վեր կու ելնայ.
Եկեք հանց տընակ տեսեք, մուխն ելեր երդիք չիկենայ:

ՔԱՆԵԿԵԹԱՆԵՐՈՐԴ ՏԱՂԱՇԱՐԲ

ՀԱՅՐԵՆԻԷ ՍԻՐՈՅ ԵՒ ՈՒՐԱԽՈՒԹԵԱՆ

Ա .

Առանց խոց, առանց եարայ՝ զիս տեղտկս հիւանդ է ձըգեր.
Հարցունք մէկ ընդ իս եղեք, որ ասեմ՝ Սեւ աչքն է արեր.
Ենօք սեւ աչքն է արեր՝ իւր ծոցուն մահրում է հաներ:
Այլում այլերում կ'ասեմ չեմ եկեր՝ քո սերդ է բերեր:

Բ .

Հատիկ մի մերձան լին'ի՝ ես ի քո վըզնոցն ելնեի.
Կամ սիրուն ակունք լին'ի՝ քո լօհիդ մեջըն լոյս տայի.
Կամ պաղ աղբիւր ջուր լին'ի քո հերանց ի պաղչան մտն'ի,
Չկուժն առն'իր ի ջուրն գայիր, քո կ'ժիդ մեջըն լըցուէի,
Վեր կալն'իր ու թեւիդ դն'իր, ես ի քո ծոցըդ թափեի,
Գլոր'ի ի մեջ ծիծերուդ, քո ճեմակ ծոցըդ թանայի:

Գ .

Ո՞վ էր վարեր զիւր եարըն, զինչ որ ես հանի վարեցի,
Տարայ յանահուն սարերն անցուցի ու նըստայ լացի.
Ով եկաւ նա հարցուցի, ով գնաց նա թուղթ գըրեցի.
«Գնացէ՛ք իմ եարոջն ասեք թե՛ Քո եարն անկեր կու մեռնի:
Բարձըր սարերուդ ի ափն շարած են ակնատ մի քանի.
Չիգասս դու ի ներս ընկնիս, մընայ եարդ ողորմի ու լալի:»:

Դ .

Մանկան մահանայ բերի թ'ի՞նչ առնէ մանուկս ատենի.
Անցգուն ատենի առայ որ փողոցն ի ջուր կու տանի.
Վախեմ թէ չարկամ լինի. գայ զիս այս հալըս տեսանի.
Մեռնիլն ինծի շատ լաւ էր քանց ի այս հալըս կենայի: